

Cyrkej: Wokoło l. 1850 bě kóždu 3. njedzelu, hdyž bě němska spowědź, tež němska Boža služba prjedy serbskeje. Hewak bě přeco serbske kemšenje prjedy němskeho, na počty dnjach a třecich dnjach rěčnych časow bě jenož serbski kemš. Tež nětko je hišće kóždy njedzelski a swjaty dzeń serbska a němska Boža služba, ale wot něhdze 10 lět započina so jenu njedzelu ze serbskim a druhu z němskim kemšom. Serbske póstne předowanje, počty a třecy swjate dny rěčnych časow buchu za čas fararja Jekela wotstronjene. Němcy wosady je hižo dawno wjacu njeswjećachu. Mnozy Serbja tu na němske kemše a k němskej spowědźi khodža. — Paćerška wučba je za němske a serbske džěci wosebje. Jenož khodži po zestarjenym wašnju wjetši džěl serbskich džěci na němske paćerje ze wšelakich džiwnych přičinow, přede wšěm pak dokelž so we šulach wot starych časow jara němcuje, tak zo je potom na paćerškej wučbje serbskim džěcom čezko serbske bibliske hrónčka, kěrlušy atd. wuknuć, hdyž su lědma někak serbski čitać nawukłe a hewak wšo němski wukłe; tuž nimale jenož serbske džěci z Hnašecanskeje šule na serbske paćerje khodža. Tak wopytowaše před jutrami 1885 serbsku paćeršku wučbu jeno 12 džěci, němsku pak 60; tola wot poslednišich bě přez 20 serbskeho rodu wot serbskeju staršeju. Po tajkim by po prawom z najmjeńša počejca paćerških džěci na serbske paćerje khodžic dyrbjala.

Fararjo: 13) Handrij Nowak 1744—1780 (†); 14) Bohukhwál Česćiměr Nowak, syn přeńšeho, najprjedy substitut nana, farań 1780—1810 (†); 15) Pětr Kral, * 1783 w Přecach, 1810 subst. tu, farań 1811—16 (†); 16) Jan Domašk, * 1790 w Zdžarach p. Wojerec, 1812 měšć. wuč. w Budyšinje, farań tu 1817—42 (†); 17) Jan Ernst Mróz, 1842—70, wumřě jako emeritus w Budyšinje, hl. pod Hućina; 18) Karl Aug. Jekela (Jäckel) 1870—84, nětko emer. w Lipsku, hl. pod Wujezd.; 19) Handrij Měto, wot 1885, hl. pod Bud. Mich. diakon.

Šula: Wosada ma tři šule, w Huscy, Drječiny a Hnašecach; we nich je so hižo wot starych časow husto a wjele němcowalo ke škodze serbskich džěci a serbskeje narodnosće; tež běchu tu hižo dlějšy časy mjezy serbskimi tež němcy wučerjo. Z časami su tež starši serbskich džěci na to skoržili, zo so jich džěcom po sakskim šulskim zakonju serbski njewuču. Najbóle serbska